

bigen / vñ des außgangs von ihnen / so werden die ver-
enderung der zeit vnd lufft / vñ die mehrung der wär-
me vnd kälte eines jeglichen Jars / dann der anfang
der zeichen ist der Wider / darnach der Stier / Zwi-
ling / Krebs / Löw / Jungkfraw / Wag / Scorpion /
Schütz / Steinbock / Wasserman / Fisch / deren zeichē
seind sechs septentrionalisch / nemlich / vom haupt
des Widers / bis zum end der Jungkfrawen : vnd 6.
seind mittägig / nemlich / vom haupt der Wag / bis
zum end des Fisches / vnd die linien die da gehet durch
das haupt des Widers vñnd der Wag / ist der richtig
Circkel / in welchem tag vñnd nacht verglichen / vñnd
richtig gemacht werden.

Vnd wann deren zeichen eines auffsteigt an einem
theil / vñ setzt sein oppositum an ein andern / von auff-
gang zum nidergang / von wegen diser verenderung /
wirdt die lenge vñ kürze des tages / vnd die mehrung
vñnd minderung in sein stunden vñnd ascensionibus.
Deren zeichen seind etliche fewrig / irdisch / lufftig
vñnd wässerig / auß denen seind etliche in gestalt der
menschen / in gestalt der thieren / in gestalt der wilden
thier / vnd in gestalt der kriechenden thier : deren seind
etliche stumment / etlich wol bequemlich / fruchtbar / vn-
fruchtbar / volkommen / zerbrochne : etliche weiblich / et-
liche männlich / etliche glücklich / vñ etlich unglück-
hassig / etliche bitter / gesalzen / süß / scharpff / etliche
abnemend in den ascensionibus / vñ etliche abnemend /
etliche orientalisch / occidentalisch / meridionalisch /
vñ septentrionalisch.

Der